

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-460/22
Sarajevo, 25.2.2022. godine

Z A P I S N I K

9. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 25.2.2022. godine

Sjednica je počela sa radom u 14:15 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio sve prisutne.

Izostanak sa sjednice su najavili: Tomislav Mandić, Goran Broćeta, Dragana Damjanović, Zora Dujmović, Drago Puzigaća, Aleksandar Štrbac, Senad Ahmetović, Ramo Isak, Anel Šahinović, Alisa Hajdarović, Žarko Vujović, Boris Krešić, Nikica Bosnić, Elmedin Konaković, Aljoša Čampara, Rasim Kantarević i Slađan Ilić.

Prema evidenciji Stručne službe sjednici prisustvuje 32 delegata što čini većinu pa Dom naroda može raditi i punovažno odlučivati.

Vlada Federacije BiH dostavila je Prijedlog zakona o izmjenama i dopunama Zakona o penzijsko-invalidskom osiguranju s prijedlogom da se razmatra po hitnom postupku.

Predsjedavajući je zamolio delegate da se na osnovu člana 188. Poslovnika o radu Doma naroda Parlamenta Federacije BiH, izjasne da li će se ovaj Prijedlog zakona razmatrati po hitnom postupku, te napomenuo da će se danas glasati elektronski.

Na osnovu rezultata glasanja, predsjedavajući je konstatovao da je sa 31 glasom za, bez suzdržanih glasova i bez glasova protiv, prijedlog da se Prijedlog zakona o izmjenama i dopunama Zakona o penzijsko-invalidskom osiguranju, razmatra po hitnom postupku, dobio potrebnu većinu.

Na osnovu rezultata glasanja, predsjedavajući je konstatovao da je sa 31 glasom za, bez suzdržanih glasova i bez glasova protiv, usvojen sljedeći:

D N E V N I R E D

1. Prijedlog zakona o izmjenama i dopunama Zakona o penzijsko-invalidskom osiguranju,

1. Prijedlog zakona o izmjenama i dopunama Zakona o penzijsko-invalidskom osiguranju

Prijedlog zakona utvrdila je Vlada Federacije BiH.

Prijedlog ovog zakona istovjetan je Prijedlogu zakona kojeg je Predstavnički dom Parlamenta Federacije BiH usvojio na 28. sjednici, održanoj 21.12.2021. godine, čime su otklonjene i formalno-pravne nejasnoće koje su se pojavile u prvom dijelu proteklog zasjedanja Doma naroda.

Predsjedavajući je konstatovao da je na ovaj Prijedlog zakona amandman podnio delegat Rasim Pajić.

Tekst amandmana dostavljen je Vladi Federacije BiH na izjašnjenje.

Prijedlog zakona razmatrala su nadležna radna tijela koja su također dostavila i svoje izvještaje.

Prijedlog zakona obrazložio je Vesko Drljača, ministar i zamjenik premijera Vlade Federacije BiH.

U raspravi su učestvovali Nijaz Musić, Zvonko Marić, Zdenka Džambas, Jasmin Duvnjak, Aner Žuljević, Damir Marjanović, Vibor Handžić, Rasim Pajić i Vesko Drljača.

Delegat Rasim Pajić je konstatovao da ostaje pri svom amandmanu.

Predsjedavajući je stavio na glasanje Amandman I koji se odnosi na član 9. Prijedloga zakona o izmjenama i dopunama Zakona o penzijsko-invalidskom osiguranju.

Na osnovu rezultata glasanja, predsjedavajući je konstatovao da sa 15 glasova za, 17 suzdržanih glasova i bez glasova protiv, ovaj amandman nije dobio potrebnu većinu.

Na osnovu rezultata glasanja, predsjedavajući je konstatovao da je sa 33 glasa za, bez glasova protiv i bez suzdržanih glasova, Prijedlog zakona o izmjenama i dopunama Zakona o penzijsko-invalidskom osiguranju dobio potrebnu većinu.

Sjednica je završila sa radom u 15:41 sati.

Transkript sjednice čini sastavni dio Zapisnika.

SEKRETAR
Izmir Hadžić

PREDSJEDAJUĆI
Tomislav Martinović